

جریدہ علمیہ

مشیت جلیلہ اسلامیہ نکات جریدہ رسیہ سید

ربیع الآخر ۱۳۳۵

عدد: ۳۰

آیدہ بر نشر اول نور

اولیٰ خجی سنہ

اوقاف نظارت جلیلہ سی تبلیغات عمومیہ سی

خدمۃ خیرات و وظائفہ و مأمورین و قبیہ معاشانہ علاوہ اولئان تخصیصات فوق العادہ حقندہ کی قانون معدک تبلیغہ و حوالہ نامہ لریک کوندولدیکنہ دائر

۱۸ ایلول ۳۳۲ تاریخ و نومرولو تحریرات عمومیہ ذیلدر نظارتک یوزده اون ایکی طائدت تقاعدیہ و یرمک صورتیلہ معاش آلان مأمورین و مستخدمینی ایله عسکرہ کیدنلرک معاشاتی موقوفاتندن اجرت آلان مأمورین و مستخدمینتہ حال حرب حسیلہ یوزده اون بش و یکریمی نسبتندہ تخصیصات فوق العادہ شہریہ اعطاسی حقندہ کی قانون موقتک قوہ تشریعیہ جہ حین تدقیقندہ برنجی مادہ سی «اوقاف نظارتک مرکز و طشرودہ یوزده اون ایکی طائدت تقاعدیہ و یرمک صورتیلہ معاش آلان مأمورین و مستخدمینی ایله عسکرہ کیدنلرک معاشاتی موقوفاتندن اجرت آلان مأمورین و مستخدمیندن معاش و اجوراتی بیک غروشه قدر اولانلرہ معاش و اجرتلریک یوزده یکریمیسی و بیک برغروشدن یدی بیک بشیوز غروشه قدر د یدی بیک بشیوز غروش خارج» معاش آلانلرہ معاش و اجرتلریک یوزده اون بشی نسبتندہ تخصیصات فوق العادہ شہریہ اعطا ایدیله جکدرہ صورتندہ تعدیل ایدلش اولدینی کبی خدمہ وظائفہ اجرا قلنہ جق ضائم ایچون ایکنجی «اوقاف نظارتک بیک اوچیوز اوتوز ایکی سنہ سی بود۔ جہ سنک یدنجی استانبول ولایتیلہ ولایات سائرہ خیرات شریفہ سنک وظائف و سالیہ و مخصصاتی و سائرہ فصلک برنجی خیرات شریفہ خدمہ و وظائف و سالیہ و مخصصاتی و سائرہ مادہ سی ایله بشنجی استانبول ولایتیلہ ولایات سائرہ ادارات و قبیہ سی معاشاتی و سائرہ سی فصلک اوچنجی حرمین الشریفین صرہ سی نامیلہ ارسال اولئان معاشات و مخصصات و مصارف سائرہ مادہ سندن و سکزنجی استانبول ولایتیلہ ولایات سائرہ خیرات مدورہ سی فصلک برنجی جوامع خدمہ سی مادہ سندن صرف خدمت فملیہ مقابلی او۔ لہرق شہری و یا سنوی وظیفہ المقدہ اولان خیرات شریفہ خدمہ سندن وظیفہ شہریہ سی و یا خود عہدہ سندہ متعدد جہات اولوبدہ اشبوجہاتہ مخصص وظائف شہریہ سی مجموعی

بيك غروشدن فضله اولانلره يوزده اون بش نسبتنده و بيك غروشدن دون ايسه «بيك غروش داخل» يوزده يكرى نسبتنده تخصیصات فوق العاده شهریه اعطا اولنه جقدر ديكر طرفدن آيروجه تخصیصات فوق العاده شهریه تابع معاش ويا اجرتی اولان خد مهیه وظیفه لرندن طولايی آيروجه تخصیصات فوق العاده شهریه ویریه جقدر» ماده سی علاوه قلمش و اوچنجی ماده سی «سالف الذکر تخصیصاتن كرك عائدتا قعاده و حرب ویركوسی و كرك طرق و لابت حصه سی و سائر نام ایله بر كونا توقیفات اجرا ایدلیه جکی كبی اشبو تخصیصاتك دین مقابلنده هجزی دخی جائز اوله ماز و قعاده و معزولیت و ایتام معاشی تخصیصنده نظر اعتباره آلمانز و دردنچی ماده سی «اشبو قانونك حكمی تشری تاربخندن صكره مجدداً و علاوه تخصیص اولنه جق معاشات و وظائفه دخی شاملدر» و آلتنجی ماده سی «سالف الیابن تخصیصات فوق العاده ك ۱ ایلول سنه ۳۳۲ ابتدا سندن بالاعتبار حرب عمومینك نهایته قدر تسویه سنه دوام اولنه جقدر» صورتنده بولنمشدر مواد مذكوره ك مطالعه سندن مستبان اوله جنی اوزره مأمورینه ویریه جك تخصیصات فوق العاده یدی بيك بش یوز غروشه قدر اولان معاشله تقييد ایدیلوب هانکی مأمورین و مستخدمینه ویریه جکی حقدنه کی قیود اساسیه قانون موقت عینی بولنمش اولدینی كبی خدمهیه ویریه جك تخصیصات حقدنه کی ایكنجی ماده ده دخی هانکی قسم خدمهیه ونه صورتله وظیفه آلالره ویریه جکی مصرح اولدینی جهتله بوللره ویریه جك تخصیصات ایچون مذكور ماده ك صراحتی دائره سنده معامله ایفاسیله بالاخره تضمینی ایجاب ایده جك سهو و خطا و قوعنه میدان ویرلامسی و خیرات شریفه خدمه سنه بروجه محرر ویریه جك تخصیصاتك مبدئی ده قانونك التنجی ماده سی موجبنجه ۱ ایلول سنه ۳۳۲ دن اعتبار ایدلیكندن اكا كوره حساب و تسویه سی خصوصنك اوقاف ^{مدیریت} _{مأموریت} امر و تبلیغی و مأمورینه عائد حواله نامه لره علاوه خدمه وظائفی ایچون آلتی آیلق اوله رق یكیدن تنظیم و لغاً اسرا قلمش اولان حواله نامه لك ده بروجه محرر ایفای مقنضاسی ضمتنده حواله و تودیع بیورلمسی باینده امر و اراده

فی ۲۶ ربیع الآخر سنه ۱۳۳۵ و فی ۶ شباط سنه ۱۳۳۲

